



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

იერემია იბერიელი

იერემია იბერიელი, V ს-ის ქართველი სასულიერო მოღვაწე.

აკად. კ. კეკელიძის მოსაზრების თანახმად, იგი იგივე იერემია ურჭაელია. მას ბერძნულდან ქართულად უნდა ეთარგმნა IV ს-ის თხზულება „დიდაჰე“, ანუ „ათორმეტთა მოციქულთა მოძღვრება“. კონსტანტინოპოლში არსებულ „დიდაჰეს“ ამ ნუსხაში იერემია ურჭაელი თავს „ყარიბობის გამო თავისიანებსა და სამშობლოს დაშორებულ ქართველ მართლმადიდებელს“ უწოდებს.

იერემია ურჭაელი (იგივე ი. ი.) იმ სას. პირთა შორისაა დასახელებული, რ-ებიც უგზობის გამო (ყველა გზა ზღვაზე და ხმელეთზე შეკრული იყო) 431 ქ. ეფესოში შემდგარ ანტინესტორიანულ მსოფლიო საეკლ. კრებას ვერ დაესწრნენ და 431 წ. 13 აგვისტოს კონსტანტინოპოლიდან კრების მესვაურებს წერილი მისწერეს. წერილში ი. ი. ხელს ასე აწერს : „Yeremia Iberos paortium Persidis“ ე. ი. თავს ქართლის „სპარსული ნაწილის“ ეპისკოპოსად ასახელებს.

431-თვის ქართლი რადგან ისევ ბიზანტიასა და ირანს შორის გაყოფილ ქვეყნად რჩებოდა, ი. ი. ირანელთა გავლენაში მყოფი ეპისკოპოსი უნდა ყოფილიყო (კ. კეკელიძე მას მთელი ქართლის ეპისკოპოსად თვლიდა). 439 ქართლი მთლიანად ირანს დაექვემდებარა, ი. ი-მა შესაძლოა ამ დროს დატოვა ქართლი და ქ. ურჭაში (ედესა, ანტიოქია) გადასახლდა, რის შემდეგაც „ურჭაელად“ იწოდა. ძვ. წყაროებში „ურჭა“ და „ქართლი“ რადგან ზოგჯერ, იდენტური შინაარსის ტერმინებად იხმარებოდა (იაკობ სპარსის კოპტურ ვერსიაში პეტრე იბერი ურჭაელად იწოდება), გამორიცხული არ არის, ი. ი. "იერემია ურჭაელადაც" მოეხსენებინათ.

ლიტ.: კ ე კ ე ლ ი ძ ე კ., იერემია იბერიელი, წგ.: ეტიუდები ძველი ქართული ლიტერატურის ისტორიიდან, ტ. 1, თბ., 1956; გ ო ი ლ ა ძ ე ვ., ასურელ მამათა სამშობლო და საქართველო, თბ., 2002.

ვ. გოილაძე
